

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj: 004-0-SuDp-20-000091**

**IZVJEŠTAJ O RADU
KANTONALNOG SUDA U ZENICI
ZA 2019. GODINU**

Zenica, 20.01.2020. godine

SADRŽAJ:

I. UVODNE NAPOMENE	3
II. PROTOK PREDMETA, KVANTITET RADA, KVALITET RADA, REALIZACIJA PLANA RJEŠAVANJA PREDMETA ZA 2019. GODINU, TRAJANJE PREDMETA, OPTIMALNI I PREDVIDIVI ROKOVI, IZRADA SUDSKIH ODLUKA I SUDSKE NAGODBE.....	4
II-A. Protok predmeta	4
II-B. Kvantitet rada	5
II-C. Kvalitet rada	7
II-C-1. Po nosiocima pravosudne funkcije kvalitet je sljedeći:	7
II-D. Realizacija Plana rješavanja predmeta za 2019. godinu.....	8
II-E. Trajanje predmeta.....	10
II-F. Optimalni i predvidivi rokovi.....	11
II-G. Izrada odluka i sudske nagodbe	11
III. RAD KRIVIČNOG ODJELJENJA	11
III-A. Potvrđivanje optužnica K-Kps	12
III-B. Prvostepeni krivični referat K-K	12
III-C. Predmeti ratnih zločina.....	13
III-D. Predmeti korupcije i organizovanog kriminala.....	13
III-E. Drugostepeni krivični referat K-Kž.....	14
III-F. Drugostepeni prekršajni referat Pr-Pžp.....	14
IV. GRAĐANSKO ODJELJENJE	15
IV-A. Drugostepeni građanski referat	15
IV-B. Drugostepeni privredni referat	15
IV-C. Priznanje stranih sudskih odluka V-V	15
V. ODJELJENJE ZA UPRAVNE SPOROVE.....	16
VI. SUDSKA UPRAVA.....	16
VI-A. Saradnja sa drugim institucijama.....	20
VII. ZAKLJUČNE NAPOMENE	21

I. UVODNE NAPOMENE

Kantonalni sud u Zenici je najviša instanca sudske vlasti u Zeničko-dobojskom kantonu. Organizacija, nadležnost, finansiranje, pravosudna uprava i druga pitanja od značaja za organizaciju i funkcionisanje sudova na teritoriji Federacije Bosne i Hercegovine uređene su Zakonom o sudovima u Federaciji Bosne i Hercegovine ("Službene novine Federacije Bosne i Hercegovine" broj: 38/05, 22/06, 63/10, 72/10, 7/13 i 52/14).

Odredbom člana 28. ovog Zakona je utvrđena stvarna nadležnost kantonalnih sudova propisivanjem prvostepene i drugostepene nadležnosti, dok je odredbom člana 63. Zakona propisano da sudovi podnose godišnju informaciju o svom radu nadležnom ministarstvu pravde i Visokom sudskom i tužilačkom vijeću Bosne i Hercegovine do 31. marta tekuće godine.

Pod jurisdikcijom Kantonalnog suda u Zenici su: Općinski sud u Zenici, Općinski sud u Visokom sa Odjeljenjem u Olovu, Općinski sud u Zavidovićima sa Odjeljenjem u Maglaju, Općinski sud u Kaknju, Općinski sud u Žepču i Općinski sud u Tešnju.

Kantonalni sud u Zenici je u 2019. godini poslove i zadatke vezane za ostvarenje sudijske funkcije obavljao kroz svoje 3 organizacione jedinice: građansko, krivično i odjeljenje za upravne sporove. Broj sudija koji je u 2019. godini rješavao predmete građanskog odjeljenja je 15, krivičnog odjeljenja je 8, dok je broj sudija koji je u 2019. godini rješavao predmeta upravnog odjeljenja 4.

Pružanje psihološke, tehničke i drugih vidova podrške svjedocima prije, za vrijeme i nakon svjedočenja u krivičnim postupcima koji su se vodili pred Kantonalnim sudom u Zenici je vršeno putem Odjela za podršku svjedocima.

Ostali poslovi i zadaci obavljani su kroz odjeljenje sudske uprave (odsjek za administrativno-tehničke poslove – sudska pisarnica, odsjek za računovodstvo i odsjek za pomoćno-tehničke poslove).

Prema Odluci Visokog sudskog i tužilačkog vijeća Bosne i Hercegovine od 16.12.2009. godine za Kantonalni sud u Zenici je utvrđen broj od osamnaest redovnih sudija uključujući i predsjednika suda i šest dodatnih sudija. Zeničko-dobojski kanton od polovine 2010. godine obezbjeđuje novčana sredstva za svih osamnaest redovnih sudija i dvoje dodatnih sudija.

Na rješavanju predmeta u 2019. godini u periodu od 01.01.2019. godine do 10.09.2019. godine je radilo šesnaest redovnih sudija sa predsjednikom suda i dvoje dodatnih sudija. U periodu od 10.09. 2019. godine do 31.12.2019. godine radilo je sedamnaest redovnih sudija sa predsjednikom suda i dvoje dodatnih sudija.

Nepopunjenost suda sa dvoje redovnih sudija je uzrokovana prestankom mandata jednog sudije zbog imenovanja na funkciju sudije Vrhovnog suda Federacije Bosne i udaljenjem drugog sudije od vršenja funkcije sudije u periodu od 10.07.2018. godine do 10.09.2019. godine.

U Kantonalnom sudu u Zenici u 2019. godini je radilo 8 državnih službenika i 36 namještenika.

II. PROTOK PREDMETA, KVANTITET RADA, KVALITET RADA, REALIZACIJA PLANA RJEŠAVANJA PREDMETA ZA 2019. GODINU, TRAJANJE PREDMETA, OPTIMALNI I PREDVIDIVI ROKOVI, IZRADA SUDSKIH ODLUKA I SUDSKE NAGODBE

II-A. Protok predmeta

Na kraju 2018. godine u Kantonalnom sudu u Zenici je bilo neriješenih 813 predmeta. U toku 2019. godine Kantonalni sud u Zenici je zaprimio u rad 3871 predmet (120 predmeta manje nego u 2018. godini), tako da je u 2019. godini u radu bilo ukupno 4684 predmeta. Značajnije smanjenje broja primljenih predmeta u 2019. godini u odnosu na 2018. godinu je zabilježeno na parničnom referatu (u 2018. godini priliv ovih predmeta je iznosio 1214, dok je u 2019. godini priliv ovih predmeta iznosio 1020 ili za 194 predmeta manje). Na ostalim referatima nije bilo značajnijeg smanjenja broja primljenih predmeta, a ni značajnijeg povećanja broja primljenih predmeta u odnosu na 2018. godinu, izuzev zemljišno-knjižnog referata. Naime, priliv predmeta ovog referata u 2019. godini je u odnosu na 2018. godinu veći za 104 predmeta.

U 2019. godini na svim referatima je riješeno 3983 predmeta. Procenat svih riješenih predmeta u 2019. godini u odnosu na priliv u 2019. godini iznosi 102,89 %.

U pogledu parničnih predmeta, procenat svih riješenih predmeta u 2019. godini u odnosu na priliv iznosi 107,25 %, zemljišno-knjižnih 105,42 %, vanparničnih 98,93 %, prekršajnih 96,61 %, izvršnih 102,89 %, privrednih 101,47 %, krivičnih 102,19 % i upravnih 100,85 %.

Na dan 31.12.2019. godine, broj neriješenih predmeta u Kantonalnom sudu u Zenici na svim referatima iznosi 701 predmet. U odnosu na 2018. godinu broj neriješenih predmeta je manji za 112.

Od 701 neriješenog predmeta, na predmete građanskog odjeljenja otpada 377 predmeta (parničnih 203, izvršnih 106, zemljišno-knjižnih 33, privrednih 17 i vanparničnih 18).

Na predmete krivično-prekršajnog odjeljenja otpada 206 predmeta (K-K predmeta 24, K-Kž predmeta 134, K-Kbs predmeta 8, K-Kps predmeta 8, K-Kvl predmeta 5, K-Kv predmeta 5 i K-Kpp predmeta 3).

Na dan 31.12.2019. godine broj neriješenih drugostepenih prekršajnih predmeta (Pr-Pžp) je iznosio 19.

Na predmete odjeljenja za upravne sporove otpada 115 predmeta (U- U predmeta 112 i U- Uvp 2 predmeta i U-Uvl 1 predmet).

Na predmete Su-Ap otpada tri (3) predmeta.

Iako Kantonalni sud u Zenici u 2019. godini poslove sudijske funkcije nije obavljao u punom sastavu, a 11 sudija ovog suda je rješavalo i Rsž predmete Kantonalnog suda u Sarajevu, broj neriješenih predmeta na kraju 2019. godine je manji u odnosu na 2018. godinu za 112 predmeta. Da je to tako proizilazi iz Tabelarnog pregleda - Protok predmeta po vrstama i referatima za 2018. godinu i Tabelarnog pregleda - Protok predmeta po vrstama i referatima za 2019. godinu, a koji pregledi su u prilogu ovog izvještaja.

U odnosu na 2018. godinu, broj neriješenih predmeta na kraju 2019. godine je manji na svim referatima, izuzev vanparničnog referata koji bilježi neznatan porast neriješenih predmeta. (2 više).

II-B. Kvantitet rada

Ostvarena kolektivna norma suda za 2019. godinu iznosi 105,97 %.

Prosječnu godišnju normu veću od 100 % su ostvarile sve sudije ovog suda izuzev sudije Hilme Ahmetović koji je funkciju sudije u 2019. godini obavljao u periodu 10.09.2019. do 31.12.2019. godine i sudije Unkasa Arnaut čija prosječna godišnja norma iznosi 99,64%.

U pogledu sudija koji su u izvještajnom periodu obavljali funkciju predsjednice suda i predsjednika odjeljenja (Snježana Čolaković, Jasmina Begović-Devović i Nermin Tešnjak) ostvarene norme prema broju završenih predmeta su preračunate na osnovu određenja iz člana 14. stav 2. tačka e) i člana 15. stav 2. tačka a) i b) Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini (Predsjednica suda je bila u obavezi da ostvari 30% sudijske norme, predsjednica građanskog odjeljenja Jasmina Begović-Devović 80% sudijske norme, a predsjednik krivičnog odjeljenja, sudija Nermin Tešnjak je bio u obavezi da ostvari 90% sudijske norme).

Sudijama: Ranki Baškarad, Albisi Kapić, Nusretu Halilović, Nedeljki Mađar-Ramljak, Ljilji Subašić, Mariu Anić, Emiri Džerahović, Indiri Pašić, Nini Makivić, Rami Ljevaković, Adnanu Baručiji i Srećku Kokor su njihove efektivne norme uvećane za po 10% na osnovu odredbe člana 9. stav 5. Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini prema kojoj odredbi kada sudija u kantonalnom/okružnom sudu i Osnovnom sudu Brčko Distrikta BiH i Sudu BiH postupa u krivičnim prvestepenim predmetima kao član sudskog vijeća, predsjednik suda može prilikom obračuna uvećati njegovu efektivno ostvarenu normu do 40%.

Po nosiocima pravosudne funkcije prosječna godišnja norma iznosi:

I predsjednica suda

- Snježana Čolaković.....121,97%

II Predsjednici odjeljenja:

- Nermin Tešnjak106,46%
- Jasmina Begović-Devović
norma u Kantonalnom sudu u Zenici107,44%
norma u Kantonalnom sudu u Sarajevu..... 10,61%
ukupno.....118,05%

III Sudije:

- Ranka Baškarad
norma u Kantonalnom sudu u Zenici.....99,65%
norma u Kantonalnom sudu u Sarajevu.....12,12%
ukupno.....111,77%

- Albisa Kapić
norma u Kantonalnom sudu u Zenici.....97,33%
norma u Kantonalnom sudu u Sarajevu.....16,67%
ukupno.....114,00%
- Nusret Halilović
norma u Kantonalnom sudu u Zenici.....97,06%
norma u Kantonalnom sudu u Sarajevu.....15,25%
ukupno.....112,31%
- Nedeljka Mađar-Ramljak
norma u Kantonalnom sudu u Zenici.....101,47%
norma u Kantonalnom sudu u Sarajevu.....17,17%
ukupno.....121,85%
- Ljilja Subašić
norma u Kantonalnom sudu u Zenici.....98,29%
norma u Kantonalnom sudu u Sarajevu.....13,74%
ukupno.....112,03%
- Mario Anić
norma u Kantonalnom sudu u Zenici.....112,49%
norma u Kantonalnom sudu u Sarajevu.....12,12%
ukupno.....124,61%
- Indira Pašić
norma u Kantonalnom sudu u Zenici.....104,03%
norma u Kantonalnom sudu u Sarajevu.....12,12%
ukupno.....116,15%
- Nina Makivić
norma u Kantonalnom sudu u Zenici.....102,20%
norma u Kantonalnom sudu u Sarajevu.....13,74%
ukupno.....117,94%
- Srećko Kokor
norma u Kantonalnom sudu u Zenici.....98,25%
norma u Kantonalnom sudu u Sarajevu.....12,12%
ukupno..... 110,37%
- Adnan Baručija
norma u Kantonalnom sudu u Zenici.....100,05%
norma u Kantonalnom sudu u Sarajevu.....13,13%
ukupno.....113,18%
- Emira Džerahović.....128,84%
- Enes Maličbegović.....106,73%
- Unkas Arnaut99,64%
- Ismar Jukić.....127,20%
- Ramo Ljevaković.....113,67%
- Hilmo Ahmetović.....85,47%

II-C. Kvalitet rada

Ukupan broj donesenih odluka u 2019. godini na koje se mogao izjaviti pravni lijek je 1681. Ukupan broj ožalbenih odluka je 268. Broj potvrđenih odluka je 204, preinačenih 33, djelimično ukinutih 4 i ukinutih 27.

Kvalitet sudskih odluka za sve predmete na nivou suda iznosi 90,73 %.

Za drugostepene građanske predmete (Gž) kvalitet sudskih odluka iznosi 94,10 %, za drugostepene privredne predmete (Pž) 94,13%, za drugostepene predmete radnih sporova (Rsž) 96,60 %, za prvostepene krivične predmete (K) kvalitet iznosi 59,26 %, za Kžk predmete 53,33%, za Kv predmete 91,30 %, za ostale predmete krivičnog referata 100%, a za predmete upravnih sporova 91,78 %, a za ostale upravne predmete 100 %.

II-C-1. Po nosiocima pravosudne funkcije kvalitet je sljedeći:

Kvalitet 100% su ostvarili: predsjednica suda Snježana Čolaković, Jasmina Begović-Devović, Srećko Kokor, Nedeljka Mađar-Ramljak, Ramo Ljevaković, Adnan Baručija, Nina Makivić, Albisa Kapić, Ljilja Subašić i Mario Anić.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Nusreta Halilović iznosi 7,14%, dok taj procenat u odnosu na ukupan broj donesenih odluka na koje se može izjaviti pravni lijek iznosi 1,02%.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Indire Pašić iznosi 9,09%, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,94%.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Ranke Baškarad iznosi 8,33%, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,61%.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Emire Džerahović iznosi 7,41 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 1,09 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Ismara Jukić iznosi 19,23%, dok taj procenat u odnosu na ukupan broj donesenih odluka na koje se može izjaviti pravni lijek iznosi 4,63 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Enesa Maličbegović iznosi 25%, dok taj procenat u odnosu na ukupan broj donesenih odluka na koje se može izjaviti pravni lijek iznosi 6,25 %.

Procenat ukinutih i preinačenih odluka u odnosu na ukupan broj donesenih odluka sudije Nermina Tešnjak iznosi 50 % (broj ožalbenih odluka ovog sudije je 4, od ovog broja dvije odluke su ukinute, a dvije potvrđene, dok je broj donesenih odluka u 2019. godini na koje se može izjaviti žalba 4).

Sudija Unkas Arnaut u 2019. godini nije rješavao predmete protiv koji je dozvoljen pravni lijek neposredno višem sudu.

Prednji podaci ukazuju da se i u 2019. godini nastavio trend dobrih rezultata rada sudija ovog suda kako po ostvarenim prosječnim godišnjim normama, tako i po ostvarenom kvalitetu sudskih odluka. Ovakvim rezultatima rada je prethodilo veliko zalaganje sudija i kontinuirano analiziranje rezultata rada na sjednicama odjeljenja ovog suda u cilju povećanja efikasnosti i kvaliteta sudskih odluka. Nezadovoljavajući statistički kvalitet odluka sudije Nermina Tešnjaka je uzrokovan malim brojem ožalbenih odluka i odluka protiv kojih se može izjaviti pravni lijek.

U 2019. godini zaprimljeno je ukupno 38 apelacionih odluka Ustavnog suda BiH.

U 25 odluka Ustavnog suda BiH izjavljena apelacija protiv odluka ovog suda je odbijena kao neosnovana, dok je u 5 odluka apelacija izjavljena protiv odluka ovog suda odbačena.

U 8 odluka je došlo do ukidanja odluke ovog suda zbog povrede prava na pravično suđenje iz člana 6. Evropske konvencije i člana II/3.e. Radi se o 5 drugostepenih prekršajnih odluka i 3 drugostepene građanske odluke.

Tokom 2019. godine u sud nije zaprimljena niti jedna odluka Ustavnog suda BiH kojim bi se ovom sudu naložilo da okonča predmet bez odlaganja zbog kršenja prava na donošenje odluke u razumnom roku ili da je određena naknada nematerijalne štete zbog kršenja prava na donošenje odluke u razumnom roku.

Važno je istaći da Kantonalni sud u Zenici apsolutno poštuje rokove Ustavnog suda BiH u predmetima u kojima je podnesena apelacija, kako s aspekta dostavljanja odgovora na apelaciju, tako i postupanja u postupku izvršenja odluke Ustavnog suda BiH.

II-D. Realizacija Plana rješavanja predmeta za 2019. godinu

Kantonalni sud u Zenici je dana 09.01.2019. godine pod brojem 004-0-SuDp-19-000012 donio Plan rješavanja predmeta za 2019. godinu.

Prema 4 kvartalna plana za 2019. godinu za predmete izvršnog, krivičnog, parničnog, prekršajnog, privrednog, upravnog, vanparničnog i zemljišno-knjižnog referata i Plana rješavanja prvostepenih predmeta za 2019. godinu, utvrđena je obaveza rješavanja 2245 predmeta.

Na dan 31.12.2019. godine riješeno je 2242 predmeta. Procenat riješenosti najstarijih predmeta iz plana iznosi 99,06 %. Neriješeni predmeti predstavljaju 2 prvostepena krivična predmeta i 1 drugostepeni krivični predmet.

Realizacija planova u ovako visokom procentu je rezultat izuzetnog zalaganja sudija koji su rješavali predmete iz plana, blagovremenog sačinjavanja planova, kontinuiranih analiza realizacije planova na sjednicama stručnog kolegija, sjednicama građanskog, krivičnog i odjeljenja za upravne sporove, kao i blagovremenih aktualizacija mjera koje su doprinosile realizaciji plana.

U planovima rješavanja predmeta proizašlih iz stečaja koji su se sačinjavali na polugodišnjem nivou bilo je 14 predmeta i svi predmeti na dan 31.12.2019. godine su riješeni.

Slijede tabelarni pregledi broja neriješenih predmeta na početku izvještajnog perioda po godinama inicijalnog akta, broja riješenih predmeta u toku izvještajnog perioda po godinama

inicijalnog akta, broja neriješenih predmeta na kraju izvještajnog perioda po godinama inicijalnog akta za svakog sudiju.

Ime i prezime sudije	Broj neriješenih predmeta na početku izvještajnog perioda po godinama inicijalnog akta								
	2018		2017		2016		<2015		UKUPNO
		%		%		%		%	
SNJEŽANA ČOLAKOVIĆ	10	2,8	1	0,40	1	1,493	7	5,15	19
JASMINA BEGOVIĆ-DEVOVIĆ	14	3,88	13	5,22	3	4,478	8	5,88	38
SREČKO KOKOR		0,00		0,00		0		0,00	0
RANKA BAŠKARAD	55	15,24	4	1,61	3	4,478	5	3,68	67
ALBISA KAPIĆ	11	3,05	20	8,03	5	7,463	10	7,35	46
NUSRET HALILOVIĆ	16	4,43	20	8,03	1	1,493	10	7,35	47
ADNAN BARUČIJA	17	4,71	16	6,43	3	4,478	10	7,35	46
NEDELJKA MAĐAR-RAMLJAK	15	4,16	13	5,22	7	10,45	10	7,35	45
LJILJA SUBAŠIĆ	15	4,16	17	6,83	2	2,985	11	8,09	45
MARIO ANIĆ	8	2,22	19	7,63	6	8,955	12	8,82	45
NINA MAKIVIĆ	11	3,05	14	5,62	4	5,97	16	11,76	45
INDIRA PAŠIĆ	20	5,54	11	4,42	6	8,955	10	7,35	47
RAMO LJEVAKOVIĆ	5	1,39	8	3,21	3	4,478	9	6,62	25
NERMIN TEŠNJAK	19	5,26	37	14,86	12	17,91	2	1,47	70
UNKAS ARNAUT	31	8,59	32	12,85	2	2,985	3	2,21	68
ENES MALIČBEGOVIĆ	30	8,31	11	4,42	7	10,45	7	5,15	55
ISMAR JUKIĆ	23	6,37	13	5,22	2	2,985	6	4,41	44
HILMO AHMETOVIĆ		0,00		0,00		0		0,00	0
EMIRA DŽERAHOVIĆ	61	16,90		0,00		0		0,00	61
Ukupno	361	44,4	249	30,6	67	8,241	136	16,73	813

Ime i prezime sudije	Broj riješenih predmeta u toku izvještajnog perioda po godinama inicijalnog akta										
	2019		2018		2017		2016		<2015		UKUPNO
		%		%		%		%		%	
SNJEŽANA ČOLAKOVIĆ	203	15,97	44	3,46	12	1,85	5	2,35	18	3,12	282
JASMINA BEGOVIĆ-DEVOVIĆ	33	2,60	52	4,08	33	5,08	8	3,76	46	7,97	172
SREČKO KOKOR	36	2,83	56	4,40	26	4,01	6	2,82	38	6,59	162
RANKA BAŠKARAD	81	6,37	83	6,52	13	2,00	3	1,41	28	4,85	208
ALBISA KAPIĆ	29	2,28	58	4,56	35	5,39	11	5,16	40	6,93	173
NUSRET HALILOVIĆ	37	2,91	54	4,24	41	6,32	17	7,98	26	4,51	175
ADNAN BARUČIJA	25	1,97	68	5,34	43	6,63	9	4,23	38	6,59	183
NEDELJKA MAĐAR-RAMLJAK	31	2,44	65	5,11	41	6,32	15	7,04	32	5,55	184
LJILJA SUBAŠIĆ	25	1,97	61	4,79	44	6,78	7	3,29	38	6,59	175
MARIO ANIĆ	33	2,60	59	4,63	43	6,63	19	8,92	51	8,84	205
NINA MAKIVIĆ	24	1,89	71	5,58	25	3,85	14	6,57	51	8,84	185
INDIRA PAŠIĆ	32	2,52	74	5,81	27	4,16	13	6,10	42	7,28	188
RAMO LJEVAKOVIĆ	83	6,53	74	5,81	45	6,93	17	7,98	35	6,07	254
NERMIN TEŠNJAK	45	3,54	45	3,53	63	9,71	23	10,80	5	0,87	181
UNKAS ARNAUT	66	5,19	56	4,40	53	8,17	21	9,86	12	2,08	208
ENES MALIČBEGOVIĆ	92	7,24	71	5,58	33	5,08	18	8,45	29	5,03	243
ISMAR JUKIĆ	144	11,33	210	16,50	72	11,09	7	3,29	37	6,41	470
HILMO AHMETOVIĆ	71	5,59		0,00		0,00		0,00		0,00	71
EMIRA DŽERAHOVIĆ	181	14,24	72	5,66		0,00		0,00	11	1,91	264
Ukupno	1271	31,9	1273	32	649	16,29	213	5,35	577	14,49	3983

Ime i prezime sudije	Broj neriješenih predmeta na kraju izvještajnog perioda po godinama inicijalnog akta										
	2019		2018		2017		2016		<2015		UKUPNO
		%		%		%		%		%	
SNJEŽANA ČOLAKOVIĆ	10	3	1	0,5	2	3,7		0,0	3	4,00	16
JASMINA BEGOVIĆ-DEVOVIĆ	12	3,61	6	2,80	2	3,70	4	15,38	3	4,00	27
SREĆKO KOKOR	9	2,71	13	6,07	3	5,56	1	3,85	5	6,67	31
RANKA BAŠKARAD	10	3,01	14	6,54	2	3,70		0,00	4	5,33	30
ALBISA KAPIĆ	10	3,01	12	5,61	3	5,56	1	3,85	4	5,33	30
NUSRET HALILOVIĆ	9	2,71	13	6,07	1	1,85	2	7,69	5	6,67	30
ADNAN BARUČIJA	8	2,41	11	5,14	4	7,41	2	7,69	6	8,00	31
NEDELJKA MAĐAR-RAMLJAK	10	3,01	13	6,07	1	1,85	1	3,85	5	6,67	30
LJILJA SUBAŠIĆ	9	2,71	11	5,14	6	11,11		0,00	5	6,67	31
MARIO ANIĆ	7	2,11	15	7,01	3	5,56	1	3,85	5	6,67	31
NINA MAKIVIĆ	12	3,61	9	4,21	6	11,11	2	7,69	3	4,00	32
INDIRA PAŠIĆ	6	1,81	14	6,54	1	1,85	1	3,85	8	10,67	30
RAMO LJEVAKOVIĆ	12	3,61	7	3,27	6	11,11		0,00	4	5,33	29
NERMIN TEŠNJAK	30	9,04	27	12,62	4	7,41	3	11,54	1	1,33	65
UNKAS ARNAUT	21	6,33	25	11,68	1	1,85	4	15,38	1	1,33	52
ENES MALIČBEGOVIĆ	13	3,92	8	3,74	3	5,56	1	3,85	7	9,33	32
ISMAR JUKIĆ	31	9,34	14	6,54	6	11,11	3	11,54	5	6,67	59
HILMO AHMETOVIĆ	57	17,2		0		0		0,00		0,00	57
EMIRA DŽERAHOVIĆ	56	16,9	1	0,47		0		0,00	1		58
Ukupno	332	47,4	214	30,5	54	7,703	26	3,71	75	10,70	701

II-E. Trajanje predmeta

Podaci iz tabelarnih pregleda, između ostalog, ukazuju da u strukturi riješenih predmeta u 2019. godini na predmete u kojima je inicijalni akt iz 2015. godine i ranije otpada 577 predmeta ili 14,49 %, dok broj neriješenih predmeta u kojima je inicijalni akt iz 2015. godine i ranije na kraju izvještajnog perioda iznosi 75 ili 10,70 %. Neriješeni predmeti, u kojima je inicijalni akt iz 2015. godine i ranije i u kojim predmetima nema smetnji za suđenje su u ovaj sud dominantno zaprimljeni u posljednjem kvartalu 2019. godine. Broj neriješenih predmeta u kojima je inicijalni akt iz 2015. godine i ranije na početku izvještajnog perioda je iznosio 136.

Najveći broj neriješenih predmeta na kraju izvještajnog perioda su predmeti u kojima inicijalni akt potiče iz 2019. godine (332 ili 47,4%).

Na osnovu podataka iz prednjih tabelarnih pregleda, zaključuje se da je Kantonalni sud u Zenici u 2019. godini vodio računa da predmete rješava prema starosti inicijalnog akta.

Iz CMS izvještaja čiji naziv je Statistika trajanja predmeta po referatima, vrstama predmeta i načinu završetka, a koji izvještaj je sastavni dio ovog izvještaja, proizlazi da je prosječno trajanje riješenih 3983 predmeta u 2019. godini iznosilo 71 dan (u 2018. godini prosječno trajanje riješenih 4207 predmeta je iznosilo 85 dana).

Prosječno trajanje riješenih Su-Ap predmeta je iznosilo 4 dana, prekršajnih 13 dana, vanparničnih 32 dana, privrednih 47 dana, krivičnih 80 dana, upravnih 106 dana, izvršnih 61 dan, parničnih 79 dana i zemljišno-knjižnih 104 dana.

II-F. Optimalni i predvidivi rokovi

Od 2012. godine u sudovima Bosne i Hercegovine se sprovodi Pravilnik o vremenskim okvirima za postupanje u predmetima („Službeni glasnik BiH“ broj 5/13, 101/13, 6/14, 10/15, 56/15). Pravilnikom su definisani optimalni i predvidivi rokovi.

Kantonalni sud u Zenici je dana 09.01.2019. godine donio Odluku o utvrđivanju predvidivih rokova za rješavanje pojedinih vrsta predmeta iz nadležnosti Kantonalnog suda u Zenici za 2019. godinu za period 01.01.2019. do 31.12.2019. godine.

Broj neriješenih predmeta obuhvaćenih Odlukom o predvidivim rokovima na dan 01.01.2019. godine je iznosio 762.

U periodu od 01.01.2019. do 31.12.2019. godine primljena su 3184 predmeta obuhvaćena Odlukom o predvidivim rokovima, tako da je ukupan broj u radu ovih predmeta iznosio 3946. Od ovog broja riješeno je 3286 predmeta, od čega je 2858 predmeta riješeno u optimalnom roku, a u predvidivom roku je riješeno 3272 predmeta, dok je broj riješenih predmeta sa prekoračenjem predvidivog roka iznosio 14 (0,43 %). Prosječno trajanje riješenih predmeta je 81 dan.

Broj neriješenih predmeta koji su obuhvaćeni Odlukom o predvidivim rokovima na dan 31.12.2019. godine je 652. Od ovog broja u 63 predmeta je došlo do prekoračenja optimalnog roka, dok je predvidivi rok prekoračen u 8 predmeta. U svih 8 predmeta ne postoje procesne pretpostavke za suđenje (raspisane potjernice za optuženim licima nisu realizovane). Prosječno trajanje neriješenih predmeta na kraju perioda iznosi 93 dana.

Prednji podaci ukazuju da je ovaj sud ostvario dobre rezultate rada u 2019. godini kako s aspekta ostvarene godišnje norme, tako i s aspekta ostvarenog kvaliteta sudskih odluka i poštivanja prava na suđenje u razumnom roku.

II-G. Izrada odluka i sudske nagodbe

Rokovi za izradu sudskih odluka su se dosljedno poštovali u svim predmetima.

Tokom 2019. godine, u Kantonalnom sudu u Zenici je provedena aktivnost čiji naziv je „Sedmice sudske nagodbe,“ tokom kojih je sud postupao po prethodno identificiranim predmetima, koji su po vrsti i predmetu spora prikladni za mirno rješavanje spora. Za vrijeme trajanja aktivnosti, stranke su pozivane da pristupe sudu s prijedlogom za zaključenje sudske nagodbe, što svakako mogu učiniti i u svakom trenutku do pravosnažnosti presude.

III. RAD KRIVIČNOG ODJELJENJA

U okviru krivičnog odjeljenja vrše se poslovi koji se odnose na poslove prvostepenog i drugostepenog suđenja u krivičnim predmetima, zatim ujedinjenje kazne i brisanje osuda, postupci vezani za molbe za pružanje međunarodne pravne pomoći i izručenje okrivljenih i osuđenih lica, postupci za pomilovanje osuđenih lica, poslovi propisani zakonom koji se obavljaju u okviru referata za prethodni postupak i prethodno saslušanje. U okviru ovog odjeljenja vrše se i poslovi koji se odnose na drugostepeni prekršajni referat.

Potvrđivanje optužnica K-Kps

U toku 2019. godine primljeno je 29 K-Kps predmeta. Ukupno u radu ovih predmeta je bilo 33, riješeno je 26 predmeta, tako da je na kraju 2019. godine ostalo neriješeno 7 K-Kps predmeta.

U ovim predmetima su se sudije pridržavale rokova utvrđenih Zakonom o krivičnom postupku Federacije Bosne i Hercegovine („Službene novine Federacije Bosne i Hercegovine“ broj: 35/03, 37/03, 56/03, 78/04, 28/05, 27/07, 53/07, 9/09, 12/10, 8/13 i 59/14), što znači da je u svim predmetima odlučeno o optužnici u roku od osam (8) dana i u istim je u zakonskom roku održano ročište za izjašnjenje o krivnji. U svim predmetima u kojima je potvrđena optužnica i nakon što je otvorena K faza, suđenje je zakazano u zakonom određenom roku od 60 dana.

U okviru krivičnog odjeljenja završeno je 141 K- Kpp predmeta (pojedine istražne radnje), 134 K- Kv predmeta koji predmeti se odnose na rješavanje po žalbama na rješenje o određivanju pritvora, odlučivanje po zahtjevima za prekid postupka izdržavanja kazne i drugo.

III-A. Prvostepeni krivični referat K-K

Prema članu 28. stav 1. tačka a) Zakona o sudovima u Federaciji Bosne i Hercegovine prvostepena nadležnost kantonalnih sudova se ogleda u suđenju za krivična djela za koja je zakonom propisana kazna zatvora više od 10 godina ili dugotrajni zatvor, ako zakonom nije određena nadležnost drugog suda.

Na prvostepenom krivičnom referatu u 2019. godini bilo je ukupno u radu 66 predmeta, od kojih je riješeno 42 predmeta.

Na kraju godine broj neriješenih prvostepenih krivičnih predmeta iznosi 24. Od ovog broja 22 predmeta predstavljaju predmete opšteg kriminala, dok dva (2) predmeta predstavljaju predmete ratnih zločina.

Od 22 neriješena predmeta, u pet (5) predmeta ne postoje procesne pretpostavke za suđenje, jer su optuženi u bjekstvu i za istim su raspisane potjernice koje nisu realizovane.

Od 42 završena prvostepena krivična predmeta, 37 predmeta su završeni osuđujućom presudom, te je u tim predmetima izrečena ukupna kazna zatvora protiv 33 lica u trajanju od 81 godina i 10 mjeseci, dok su 4 prvostepena krivična predmeta završena donošenjem oslobađajuće presude.

U 2019. godini u 17 predmeta je donesena presuda na osnovu zaključenog sporazuma o priznanju krivnje, što čini procentualno 40,47 % u odnosu na broj završenih predmeta na prvostepenom krivičnom referatu. U tim predmetima izrečene su kazne zatvora za 28 lica u ukupnom trajanju od 18 godina i 7 mjeseci.

U strukturi završenih prvostepenih krivičnih predmeta, 15 predmeta ili 35,71 % se odnosi na krivično djelo razbojništva iz člana 289. stav 2 KZ FBiH, 10 ili 23,80% predmeta se odnosi na krivično djelo ubistva iz člana 166. stav 1. i 2. KZ FBiH, 2 ili 4,76 % se odnose na teška krivična djela protiv sigurnosti saobraćaja iz člana 336. stav 2. i 4. KZ FBiH, 2 ili 4,76 % se odnose na krivično djelo silovanje iz člana 203. stav 3. i 5. KZFBiH, 2 ili 4,76 % se odnosi na krivično djelo pronevjera u službi iz člana 384. stav 3. KZFBiH, 6 ili 14,28 % se odnosi na krivično djelo zloupotreba položaja ili ovlašćenja iz člana 383. stav 3. KZFBiH, 1 ili 2,38 % se

odnose na krivično djelo spolni odnošaj sa djetetom iz člana 207. stav 5. KZFBiH, 1 ili 2,38 % se odnose na krivično djelo teška krivična djela protiv opće sigurnosti ljudi i imovine iz člana 328 stav 2. KZFBiH, 1 ili 2,38 % se odnose na krivično djelo teška pronevjera u službi iz člana 384 stav 3. KZFBiH, 1 ili 2,38 % se odnose na krivično djelo krivotvorenje službene isprave iz člana 389 stav 1. KZFBiH, dok se 1 ili 2,38 % odnosi na krivično djelo ratni zločin protiv civilnog stanovništva iz člana 142. stav 1. KZSRJ

III-B. Predmeti ratnih zločina

U 2019. godini u radu je bilo ukupno 4 predmeta ratnih zločina (3 prvostepena krivična predmeta i 1 predmet potvrđivanje optužnice). Broj prenesenih predmeta iz 2018. godine je 1. U Akcionom pregledu rješavanja prvostepenih krivičnih predmeta ratnih zločina za 2019. godinu bio je 1 predmet i isti nije riješen.

U 2019. godini riješena su 2 predmeta (1 prvostepeni krivični predmet i 1 predmet je potvrđivanje optužnice). Riješeni prvostepeni krivični predmet je okončan oslobađajućom presudom.

U jednom predmetu ratnih zločina ne postoje procesne pretpostavke za suđenje budući da je za optuženim raspisana potjernica koja nije realizovana.

Rad na predmetima ratnih zločina predstavlja apsolutni prioritet, tako da se na svim predmetima tokom 2019. godine kontinuirano i intenzivno radilo. Blagovremeno je donesen Akcioni pregled K predmeta za 2019. godinu, planiran je dovoljan broj sudija za rad na predmetima ratnih zločina i kontinuirano je praćeno rješavanja predmeta ratnih zločina, a vršeno je i blagovremeno dostavljanje izvještaja o rješavanju predmeta ratnih zločina.

III-C. Predmeti korupcije i organizovanog kriminala

U 2019. godini u sud je zaprimljeno 11 predmeta koji se odnose na krivična djela iz glave XXXI KZ FBiH, tako da je u radu bilo ukupno 15 predmeta. U izvještajnom periodu riješeno je 10 takvih predmeta. 6 riješenih predmeta se odnose na krivično djelo zloupotreba položaja ili ovlašćenja iz člana 383. stav 3. KZ FBiH, 3 riješena predmeta se odnose na krivično djelo pronevjera u službi iz člana 384. stav 2. i 4. KZ FBiH, a 1 riješeni predmet se odnosi na krivično djelo krivotvorenje službene isprave iz člana 389. stav 1. KZ FBiH. 9 predmeta je okončano osuđujućom presudom, dok je u jednom predmetu donesena oslobađajuća presuda. Osuđujućim presudama je obuhvaćeno 13 lica sa ukupnom kaznom zatvora od 18 godina i 8 mjeseci, u odnosu na 8 lica izrečena je uslovna osuda, dok je jedno lice oslobođeno.

Imajući u vidu činjenicu da je borba protiv korupcije jedan od najvećih izazova sa kojim se suočava Bosna i Hercegovina u postupku integracija u Evropsku uniju, Kantonalni sud u Zenici će predmetima korupcije i organizovanog kriminala davati apsolutni prioritet u radu.

U 2019. godini u prvostepenim krivičnim predmetima nije bilo obustava postupka zbog nastupanja zastare.

Sud je u toku 2019. godine odredio pritvor protiv 68 lica osumnjičenih da su počinili krivično djelo, dok je u 31 predmetu za 44 lica postavio braniocce po službenoj dužnosti i to zbog obavezne odbrane i slabog imovnog stanja, kako je to predviđeno odredbama Zakona o

krivičnom postupku Federacije Bosne i Hercegovine. Svi postavljeni branioci po službenoj dužnosti su uglavnom iz reda advokata.

III-D. Drugostepeni krivični referat K-Kž

U nadležnosti ovog referata je odlučivanje o žalbama izjavljenim protiv odluka općinskih sudova u krivičnom postupku.

Na kraju 2018. godine broj neriješenih predmeta ovog referata je iznosio 151. U 2019. godini priliv je iznosio 351 predmet. Riješeno je 370 predmeta, a ostalo neriješeno 132 predmeta. U odnosu na 2018. godinu broj neriješenih drugostepenih krivičnih predmeta je manji za 19 predmeta.

U strukturi primljenih drugostepenih krivičnih predmeta, najveći broj tj. 37 predmeta se odnosi na krivično djelo teška krađa iz člana 287. stav 1. KZ FBiH, 10 predmeta se odnosi na krivično djelo teška tjelesna ozljeda iz člana 172. stav 1. KZ FBiH, 22 predmeta se odnose na krivično djelo krađa iz člana 286. stav 1. i 2. KZ FBiH, 15 predmeta se odnose na krivično djelo oštećenje tuđe stvari iz člana 293 stav 1. KZ FBiH, 8 predmeta se odnose na krivično djelo prijevara iz člana 294 stav 1. KZ FBiH, 16 predmeta se odnose na krivično djelo šumska krađa iz člana 316 stav 2. KZ FBiH, 8 predmeta se odnose na krivično djelo izazivanje opće opasnosti iz člana 323. stav 1. KZ FBiH, 6 predmeta se odnose na krivična djela protiv sigurnosti javnog prometa iz člana 336. stav 1., 3. i 4 KZ FBiH, 20 predmeta se odnose na krivična djela nasilničko ponašanje iz člana 362. stav 2. KZ FBiH, 16 predmeta se odnose na zloupotrebu položaja ili ovlaštenja iz člana 383. stav 1. i 2. KZFBiH, 12 predmeta se odnose na posjedovanje i omogućavanje uživanja opojnih droga iz člana 239. stav 3. KZ FBiH, 19 predmeta se odnose na krivično djelo ugrožavanja sigurnosti iz člana 183. stav 1., 2. i 3. KZ FBiH, 20 predmeta se odnose na krivično djelo nasilje u porodici iz člana 222. stav 1., 2., 3. i 4. KZ FBiH.

U okviru drugostepenog krivičnog referata 26 riješenih predmeta su predmeti iz oblasti korupcije.

U 2019. godini u drugostepenim krivičnim predmetima nije bilo obustava postupka zbog nastupanja zastare.

III-E. Drugostepeni prekršajni referat Pr-Pžp

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenim u prekršajnom postupku.

U 2019. godini na ovom referatu u radu je bilo 333 predmeta. Riješeno je 314 predmeta. Na kraju godine ostalo je neriješeno 19 predmeta. Ovim predmetima se posvećuje posebna pažnja i prioritarno se uzimaju u rad kako ne bi nastupila zastara.

U toku 2019. godine u 7 drugostepenih prekršajnih predmeta su donesena rješenja o obustavi prekršajnog postupka zbog nastupanja zastare. Ovdje je važno istaći da je u svim ovim predmetima zastara nastupila znatno prije nego što su predmeti dostavljeni Kantonalnom sudu u Zenici, radi donošenja odluke po žalbi.

IV. GRAĐANSKO ODJELJENJE

U okviru građanskog odjeljenja odlučuje se, između ostalog, o žalbama protiv odluka općinskih sudova iz građansko-pravne i privredne oblasti i o drugim redovnim i vanrednim pravnim lijekovima, a rješavaju se i zahtjevi za priznanje stranih sudskih odluka.

IV-A. Drugostepeni građanski referat

Na drugostepenom građanskom referatu (izvršni, parnični, vanparnični i zemljišno-knjižni) na kraju 2018. godine je ostalo neriješeno 480 predmeta u koji broj su uvršteni i predmeti radnih sporova.

U 2019. godini broj primljenih predmeta drugostepenog građanskog referata je iznosio 2151, dok je u istom periodu ovih predmeta riješeno 2254. Na dan 31.12.2019. godine broj neriješenih predmeta drugostepenog građanskog referata je iznosio 358. Neriješeni predmeti su u sud zaprimljeni dominantno u drugoj polovini 2019. godine.

Imajući u vidu naprijed navedene podatke, očigledno je da je Kantonalni sud u Zenici prednje referate učinio ažurnim.

U strukturi riješenih predmeta drugostepenog građanskog referata 239 predmeta se odnose na naknadu štete, na zemljišno-knjižne sporove 233, na brakorazvodne sporove 24, utvrđenje bračne stečevine 31, izdržavanje djece 18, utvrđenje i uknjižba 49, 165 predmeta se odnose na radne sporove, dok se ostali predmeti odnose na smetanje posjeda, poništenje i utvrđenje ništavosti, uređenje međa, određivanje staranja o djetetu i razne izvršne predmete.

Od 2254 riješena predmeta, prvostepena odluka je ukinuta u 76 predmeta, što od ukupnog broja riješenih predmeta čini procenat od 3,37% .

IV-B. Drugostepeni privredni referat

Na predmetima privrednog referata (L-Pž, Mals-Pž, Ps-Pvl, Ps-Pž, Reg-Pž i St-Pž) na kraju 2018. godine je ostalo neriješeno 19 predmeta. U 2019. godini primljeno je 136 predmeta. Riješeno je 138 predmeta. Broj neriješenih predmeta na kraju 2019. godine iznosi 17. Neriješeni predmeti su u ovaj sud zaprimljeni dominantno u novembru i decembru 2019. godine.

IV-C. Priznanje stranih sudskih odluka V-V

Na referatu priznanje stranih sudskih odluka u 2019. godini ukupno u radu je bilo 115 predmeta. Riješeno je 112 predmeta. Neriješena 3 predmeta su u sud zaprimljena u posljednjoj sedmici decembra mjeseca 2019. godine.

V. ODJELJENJE ZA UPRAVNE SPOROVE

Prema Zakonu o upravnim sporovima („Službene novine Federacije Bosne i Hercegovine“ broj: 9/05) kantonalni sudovi u upravnim sporovima odlučuju o zakonitosti akata kojim organi uprave i službe za upravu u općini i gradu, odnosno privredna i druga društva, ustanove i druga pravna lica koja imaju javna ovlašćenja rješavaju o pravima i obavezama pojedinaca i pravnih lica u pojedinačnim upravnim stvarima i to prema sjedištu prvostepenog organa, odnosno njegove organizacione jedinice.

Na referatu upravnih sporova preneseno je 119 predmeta iz 2018. godine. U toku 2019. godine primljeno je 466 predmeta. Završeno je 470. Ostalo je neriješeno 115 predmeta.

Na ovom referatu je i u 2019. godini zadržana zavidna ažurnost.

U strukturi riješenih predmeta upravnih sporova bilo je 120 predmeta koji se odnose na penzijsko i invalidsko osiguranje, 85 predmeta se odnose na oblasti poreza, a 16 predmeta se odnosi na boračko-invalidsku zaštitu. Ostali predmeti se odnose na oblast građenja, komunalne i druge naknade, sporove vezane za primjenu Zakona o izbjeglicama i raseljenim licima i drugo.

Na ovom referatu predmeti se u prosjeku završavaju u periodu manjem od 4 mjeseca od prijema tužbe u sud, s tim što su prioritet u radu imali predmeti koji se odnose na primjenu imovinskih zakona i boračko-invalidske zaštite, kao i predmeti zaštite sloboda i prava zajamčenih Ustavom koji su i po Zakonu o upravnim sporovima propisani kao predmeti hitne prirode u okviru referata upravnih sporova.

VI. SUDSKA UPRAVA

Poslovi kojim se obezbjeđuju uslovi za pravilan rad i poslovanje suda obavljaju se u okviru sudske uprave.

U cilju praćenja ažurnosti suda, Odjeljenje sudske uprave je kontinuirano pratilo ažurnost rada suda na svim referatima na način što se vrši statističko utvrđivanje stanja riješenih i neriješenih predmeta sa kojima je zadužen svaki sudija. Kontinuirano su analizirani izvještaji o realizaciji planova rješavanja predmeta, izvještaji o poštivanju predvidivih i optimalnih rokova, izvještaji o izradi sudskih odluka u zakonom utvrđenim rokovima, kao i različiti izvještaji o pravilnom evidentiranju podataka u CMS-u. Te analize omogućavaju da uprava suda i rukovodioci sudskih odjeljenja na kraju svakog mjeseca znaju koliko je predmeta ostalo neriješeno, na kojim referatima, koliko predmeta je primljeno u rad tokom mjeseca, koliko predmeta je riješeno po svakom sudiji na referatima, na koji način su predmeti riješeni i kvalitet sudskih odluka.

U 2019. godini održano je šest sjednica stručnog kolegija suda, tri opće sjednice, tri sjednice kolegija predsjednika suda i po deset sjednica krivičnog, građanskog i upravnog odjeljenja.

Na sjednicama stručnog kolegija i sjednicama građanskog, krivičnog i upravnog odjeljenja razmatrana su aktuelna pitanja od interesa za rad suda, ažurnost suda i sudija. Razmatrani su nacrti zakonskih akata na način da su data mišljenja i sugestije na te nacрте, dok su na općim sjednicama suda razmatrani zahtjevi za izuzeće sudija koji postupaju u krivičnim predmetima ovog suda.

Dana 20.03.2019.godine i 20.12.2019. godine s ciljem razmjene iskustava i unapređenja efikasnosti obavljanja poslova sudske uprave, poštivanja zakonskih rokova i rada po starim predmetima održani su sastanci predsjednice Kantonalnog suda u Zenici sa predsjednicima općinskih sudova sa područja Kantonalnog suda u Zenici. Na ovim sastancima je raspravljano i o aktuelnim problemima sudova s aspekta uslova rada, finansiranja troškova i slično.

Na sastanku predsjednika sudova održanom dana 20.12.2019. godine prisustvovali su predstavnici Ministarstva za pravosuđe i upravu Zeničko-dobojskog kantona.

U toku 2019. godine održana su i po dva sastanka predsjednika građanskog i krivičnog odjeljenja ovog suda sa predsjednicima odjeljenja općinskih sudova sa područja Kantonalnog suda u Zenici. Na tim sastancima se razgovaralo o načinu unapređenja kvaliteta rada kroz razmjenu iskustava i stavova sudske prakse s posebnim osvrtom na odgovore ovog suda na prethodno postavljena pitanja prvostepenih sudova.

U 2019. godini zaprimljeno je 1917 različitih Su predmeta (Su -Spi, Su-Fin, Su-It, Su-Pov i Su-Dp) i svi su riješeni. Ovi predmeti nisu sadržani u priloženim tabelarnim pregledima.

Kantonalni sud u Zenici u 2019. godini primio je 68 zahtjeva za slobodan pristup informacijama u kojima su tražene različite vrste informacija.

Postupajući po zahtjevima Kantonalni sud u Zenici je u 11 slučajeva donio rješenje o djelomičnoj dozvoli pristupa informacijama iz razloga što je zahtjev za dostavu potpunih podataka utvrđen kao izuzetak od saopštavanja jer sadrži lične interese koji se odnose na privatnost lica u postupku, slijedom čega su dostavljene odluke djelomično anonimizirane, u jednom slučaju je doneseno rješenje o nemogućnosti postupanja po zahtjevu zbog formalnih nedostataka samog zahtjeva, dok su za ostale podnosiocce donesena rješenja o dozvoli pristupa informacijama uz dostavljanje tražene dokumentacije ili vršenjem neposrednog uvida u istu.

U 2019. godini uspješno je realizovan program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji Bosne i Hercegovine, Visokog sudskog i tužilačkog vijeća Bosne i Hercegovine, Agencije za državnu službu u Federaciji Bosne i Hercegovine i drugih institucija koje se bave stručnim osposobljavanjem sudija, državnih službenika i ostalih zaposlenika. Sve sudije su obavezu edukacije ispunile provodeći potrebne dane na edukaciji koja je obavljena kroz održane seminare, konferencije i razne okrugle stolove na kojima su razmatrana aktuelna pitanja vezana za primjenu zakona iz krivičnopravne, građanske i upravne oblasti u Federaciji Bosne i Hercegovine, etičkih standarda, najnovijih stručnih i naučnih dostignuća u oblasti prava i sudske prakse drugih zemalja.

Državni službenici i namještenici su kroz seminare organizovane putem Agencije za državnu službu u Federaciji Bosne i Hercegovine prisustvovali određenim seminarima u skladu sa Programom stručnog usavršavanja donesenim od strane ove Agencije.

Interno stručno usavršavanje realizovalo se popunjavanjem sudske biblioteke stručnom literaturom koja je kupljena iz budžetskih sredstava namijenjenih za ove potrebe.

Dana 17.12.2019. godine u organizaciji Kantonalnog suda u Zenici, a u prostorijama ovog suda je održan seminar na temu: Primjena Zakona o stvarnim pravima, pretvorba društvenog vlasništva, brisanje društvenog a sada državnog vlasništva i prava vlasništva, upis prava vlasništva u zemljišnoj knjizi, prelazne i završne odredbe. Seminar su vodile prof. dr. Meliha Povlakić i doc. dr. Darja Softić-Kadenić. Na seminaru su pored sudija Kantonalnog

suda u Zenici učestvovali i šefovi zemljišnoknjižnih ureda iz Tešnja i Zenice, zemljišnoknjižni referenti prvostepenih sudova sa područja Kantonalnog suda u Zenici.

Iz ovog suda, jedan sudija je na seminarima u 2019. godini, kao verifikovani edukator, bio angažovan od strane Centra za edukaciju sudija i tužilaca u Federaciji Bosne i Hercegovine u cilju edukacije sudija, stručnih saradnika i pripravnika.

U nadležnosti sudske uprave je i referat izvršenja krivičnih sankcija (Iksž) koji je potpuno ažuran i efikasan, jer se predmeti ove vrste završavaju u zakonskom roku od 3 dana od prijema u sud, kako je to propisano Zakonom o izvršenju krivičnih sankcija u Federaciji Bosne i Hercegovine ("Službene novine Federacije Bosne i Hercegovine" broj: 44/98, 42/99, 12/09 i 42/11). Na dan 31.12.2019. godine ovaj sud nije imao nijedan neriješen Iksž predmet (riješeno 31 predmet).

U 2019. godini niti u jednom Iksž predmetu nije nastupila zastarjelost izvršenja kaznene mjere.

Temeljem odredbe člana 160. Zakona o krivičnom postupku Federacije Bosne i Hercegovine u 2019. godini je 12 puta izvršen obilazak pritvorenika u Odjeljenju pritvora Kazneno popravnog zavoda zatvorenog tipa Zenica.

Odjeljenje sudske uprave postupa i po predstavkama građana i drugih pravnih subjekata. U 2019. godini sud je primio 122 predstavke koje su se uglavnom odnosile na urgentno rješavanje predmeta.

Podnosioci predstavki su blagovremeno obavještavani o vremenu kada će predmet po redoslijedu rješavanja biti završen.

U Kantonalnom sudu u Zenici, svi predmeti koji se tiču suđenja se vode elektronski što omogućava efikasno praćenje rada na predmetima. Sud je u potpunosti tehnički opremljen za rad u CMS sistemu, a koji sistem se u cjelosti primjenjuje u ovom sudu.

Poslovi sudske arhive obavljani su u skladu sa Zakonom o arhivskoj građi Federacije Bosne i Hercegovine, Zakonom o arhivskoj građi Zeničko-dobojskog kantona i odredbama članova od 130. do 140. Pravilnika o unutrašnjem sudskom poslovanju („Službeni glasnik BiH“ broj 66/12 i 40/14). Kantonalni sud u Zenici je postupio prema uputama Visokog sudskog i tužilačkog vijeća Bosne i Hercegovine kojim je preporučeno da se izvrši digitalizacija svih predmeta u manualnoj arhivi koji imaju trajan rok čuvanja. S tim u vezi, izvršena je digitalizacija ukupno 8915 predmeta procesuiranih i arhiviranih prije uvođenja CMS-a. Postupkom digitalizacije ovih predmeta u velikoj mjeri je povećana sigurnost predmeta u smislu smanjenja opasnosti od propadanja i uništavanja.

Tokom 2019. godine proveden je otvoreni postupak za javnu nabavku radova na sanaciji prostorija Kantonalnog suda u Zenici. Radovi su obuhvatili postavljanje hidro i termoizolacije ravnog krova zgrade sa modernim materijalima koji zajedno sa radovima izvedenim u 2018. godini koji su se odnosili na zamjenu stolarije i postavljanje termofasade od kamene vune debljine 10 cm predstavljaju zaokruženu cjelinu kojom je postignuta maksimalna energetska učinkovitost zgrade koja je rezultirala smanjenom potrošnjom električne energije.

Nadalje, obzirom da u prostorijama zgrade Kantonalnog suda u Zenici podne površine nisu bile postavljene parketom, nego su betonske podloge bile zastrte toplim podom odnosno itisonom, radovi su obuhvatili i postavljanje parketa sa izolacionim materijalom i zamjenu

unutrašnje stolarije, odnosno vrata. Ovi radovi takođe imaju energetske efekat, jer je parket postavljen na betonsku podlogu i povećava toplotnu izolaciju.

Radi zaštite imovine izvršeno je ulaganje i u postavljanje vatrodajavnog sistema protivpožarne zaštite, te je u zgradi izvršeno instaliranje protivpožarne vatrodajavne opreme sa vatrodajavljivačima, odnosno senzorima vatre koji su uvezani u jedan jedinstven sistem vatrodajavne centrale koja je postavljena u prizemlju zgrade, sa izvršenim potrebnim elektroradovima. U sklopu izvedenih radova izvršeno je i kompletno krećenje zgrade suda.

Takođe je tokom 2019. godine završeno ulaganje u postavljanje nove LED rasvjete na I spratu, prizemlju i podrumu zgrade suda, tako da je ovim radovima zajedno sa ranije izvedenim istim radovima na II i III spratu zgrade suda izvršena modernizacija i unificiranje rasvjete u zgradi suda novom LED panel rasvjetom koja štedi energiju. Za naredni period što se tiče rasvjete u zgradi ostala je još samo rasvjeta u arhivskim prostorijama za koju planiramo izraditi tehničku dokumentaciju prije njene realizacije, jer arhivski prostori zahtijevaju posebnu pažnju oko izbora vrste hladne rasvjete zbog mogućnosti zapaljenja spisa.

Izvršena je i djelimična obnova opreme suda, prema raspoloživim finansijskim sredstvima. Ista se odnosila na zamjenu starih dotrajalih bibliotečkih ormara novim funkcionalnijim ormarima u dvije sale, zamjenu 10 dotrajalih klima uređaja novim inverter klima uređajima, tako da je ovom nabavkom zajedno sa nabavkom izvršenom tokom 2018. godine izvršena zamjena 22 klima uređaja od ukupno 44 klima uređaja kojim raspolažemo.

Zatim, nabavka kompjuterske opreme koja se odnosila na nabavku 8 računara i 16 štampača sa pratećom računarskom i mrežnom aktivnom i pasivnom opremom i nabavku 22 kancelarijske fotelje za tri sudnice.

Dakle, provedenim predmetnim javnim nabavkama kao i nabavkama koje se odnose na stalne nabavke kancelarijskog, štampanog, higijenskog materijala, tekuće održavanje, goriva, nabavka stručne literature i slično, Kantonalni sud u Zenici je realizovao Plan javne nabavke za 2019. godinu.

Procedura prijema novih zaposlenika je vršena na način koji je utvrđen Zaključkom Vlade Zeničko-dobojskog kantona broj: 02-34-18863/16 od 15.11.2016. godine.

Potrošnja kancelarijskog materijala je svedena u okvire neophodno potrebnog. Službena putovanja su svedena na najmanju mjeru. Korištenje službenog fiksnog i mobilnog telefona dozvoljeno je samo u službene svrhe. Kantonalni sud u Zenici se uvijek racionalno ponašao i namjenski trošio odobrena sredstva iz budžeta suda. Uz sve provedene mjere štednje uspješno se ostvarila funkcija suda.

I u 2019. godini su izostale poteškoće vezane za neizmirenje finansijskih obaveza za branioca po službenoj dužnosti. Na dan 31.12.2019. godine dug po ovom osnovu iznosi 61.063,00 KM. Dug potiče iz rješenja koja su dominantno donijeta u novembru mjesecu 2019. godine.

Interne mjere štednje će ostati na snazi i u 2020. godini kako bi odobrenim novčanim sredstvima Kantonalni sud u Zenici mogao uspješno funkcionisati.

VI-A. Saradnja sa drugim institucijama

U 2019. godini sud je kao i ranijih godina ostvario izuzetno dobru saradnju sa Visokim sudskim i tužilačkim vijećem Bosne i Hercegovine koje ga prati u njegovom radu i pruža punu podršku radi ostvarivanja nezavisnog, nepristrasnog i profesionalnog pravosuđa.

Od januara 2016. godine u Kantonalnom sudu u Zenici egzistira Odjel za podršku svjedocima. Odjel za podršku svjedocima je odgovoran, između ostalog, za pružanje psihološke, socijalne i logističke pomoći svjedocima koji se pojavljuju u krivičnim predmetima ovog suda. Primarni cilj je da se obezbijedi odgovarajuća podrška ili pomoć svjedocima za vrijeme i poslije suđenja, te pružanjem profesionalnih usluga izbjegne mogućnost da svjedočenje izazove dodatne negativne posljedice, nove patnje i traumu potencijalnom svjedoku. Odjel za podršku svjedocima je u 2019. godini imao ukupno 911 različitih intervencija. Pružio je usluge za 112 svjedoka u 24 krivična predmeta.

I u 2019. godini, stručni savjetnik za podršku svjedocima Kantonalnog suda u Zenici je pružao psihološku, emotivnu i druge vidove podrške traumatizovanim svjedocima/žrtvama u krivičnim predmetima koji se procesuiraju pred općinskim sudovima Zeničko-dobojskog kantona. Pružani su i drugi vidovi podrške u okviru poslova vezanih za maloljetne počiniocce krivičnih djela.

Kantonalni sud u Zenici je ostvario dobru saradnju sa Nadzornim tijelom za praćenje provođenja Državne strategije za rad na predmetima ratnih zločina, Atlantskom inicijativom, Pravnim fakultetom Univerziteta u Zenici, OSCE-om, kao i općinskim sudovima na području Zeničko-dobojskog kantona.

Kantonalni sud u Zenici i Općinski sud u Zenici, učestvuju u implementaciji druge faze projekta "Unapređenje kvaliteta pravosuđa" koji se realizuje u saradnji sa holandskim i norveškim pravnim ekspertima. Ciljevi projekta su usmjereni i na unapređenje upravljanja sudom i postupanje sudova u BiH. Aktivnosti unapređenja rada sudova podrazumijevaju, između ostalog i implementaciju prakse prethodno provedenog Projekta unapređenje efikasnosti pravosuđa II i to:

- Razvoj saradnje između prvostepenog i nadležnog drugostepenog suda uz uspostavljanje prakse redovnih sastanaka za rješavanje aktuelnih problema u radu;
- Ujednačavanje sudske prakse, kako u okviru odjeljenja, tako i između svih sudskih instanci;
- Jačanje procesne discipline putem zauzimanja zajedničkih stavova u pogledu tumačenja Zakona o parničnom postupku (usvajanje Smjernica za postupanje u parničnom postupku);
- Unapređenje kvaliteta i efikasnosti parničnog postupka putem razvijanja seta dokumenata/alata (kontrolnih listi za ispitivanje tužbe i odgovora na tužbu, pripremu pripremnog ročišta, priručnika za izradu presuda u parničnom postupku i unificiranog obrasca za presudu, najboljih praksi u provođenju parničnog postupka);
- Uspostavljanje transparentne procedure imenovanja predsjednika sudskih odjeljenja, zasnovane na unaprijed postavljenim kriterijima i internom konkursu i
- Organizovanje specijalističkih obuka za predsjednike sudskih odjeljenja i sudije koji žele obavljati tu funkciju.

Krajem septembra 2019. godine otpočeo je s radom USAID-ov projekat Pravosuđe protiv korupcije. Kantonalni sud u Zenici je jedan od partnerskih sudova u ovom projektu. Projekat se sastoji od dvije komponente čiji je zajednički cilj borba protiv korupcije.

Komponenta 1 ima za cilj unapređenje u procesuiranju i presuđivanju najsloženijih oblika visoke korupcije i organizovanog kriminala u partnerskim tužilaštvima i sudovima. Zadatak Komponente 2 je sprečavanje pojave korupcije u pravosudnim institucijama.

Kantonalni sud u Zenici je podržao projekat „Monitoring sudskih procesa u oblasti rodno zasnovanog nasilja u Bosni i Hercegovini“ i omogućio predstavnicama Centra ženskih prava Zenica praćenje sudskih procesa u slučajevima seksualnog i rodno zasnovanog nasilja.

Izuzetno dobra saradnja je ostvarena sa Ministarstvom za pravosuđe i upravu Zeničko-dobojskog kantona koje sudu pruža materijalnu podršku kako bi se rad odvijao nesmetano.

Nadalje, dobra saradnja je ostvarena i sa Institucijom Ombudsmana BiH, Ministarstvom pravde Federacije BiH, Regionalnom advokatskom komorom Zenica, kao i drugim institucijama sa kojima se sud susreće u svom radu.

U Kantonalnom sudu u Zenici u 2019. godini nisu pokretane interne procedure niti je bilo zabilježenih slučajeva seksualnog i rodno zasnovanog uznemiravanja nosilaca pravosudnih funkcija i ostalih zaposlenika suda.


VII. ZAKLJUČNE NAPOMENE

Iz podataka navedenih u ovom izvještaju je evidentno da je Kantonalni sud u Zenici i u 2019. godini postigao zapažene rezultate kako u pogledu kvaliteta rada, tako i u pogledu kvantiteta rada. Zadaci suda u 2020. godini će biti usmjereni na održavanje ažurnosti svih poslova i zadataka koja je postignuta u prethodnom periodu, uz daljnje smanjenje broja neriješenih predmeta prema starosti inicijalnog akta, poboljšanje kvaliteta rada, odgovornosti i transparentnosti rada suda i održavanje postignutog nivoa efikasnog izvršavanja svih ostalih poslova i zadataka koji proizlaze iz zakona i drugih pozitivnih propisa. Jedan od ciljeva koji ovaj sud želi postići je da se najveći broj drugostepenih građanskih i privrednih predmeta rješava u zakonom propisanom roku. Posebna pažnja će i dalje biti na predmetima ratnih zločina, organizovanog kriminala i korupcije, pa će ovi predmeti imati apsolutni prioritet u radu. Sudska uprava će kontinuirano pratiti i unapređivati radne procese, sa ciljem efikasnog korištenja materijalnih i ljudskih resursa.

Istovremeno, vjerujemo da će nadležni organi vlasti i dalje pružati neophodnu materijalnu potporu kako ne bi bio doveden u pitanje rad suda.

- Prilog:**
1. Protok predmeta po referatima i vrstama predmeta za period od 01.01.2018. do 31.12.2018. godine
 2. Protok predmeta po referatima i vrstama predmeta za period od 01.01.2019. do 31.12.2019. godine
 3. Tabela I – ostvarena orijentaciona norma krivičnog sudskog odjeljenja
 4. Tabela I - ostvarena orijentaciona norma građanskog odjeljenja
 5. Tabela I - ostvarena orijentaciona norma upravnog odjeljenja
 6. Tabela I-a – Kvalitet sudskih odluka po vrstama predmeta
 7. Tabela I-b – Kvalitet sudskih odluka po odjeljenjima
 8. Tabela II-a – Ostvarena orijentaciona norma
 9. Tabela III-a – Kvalitet sudskih odluka po nosiocima pravosudne funkcije
 10. Statistika trajanja predmeta po referatima, vrstama predmeta i načinu završetka za period od 01.01.2019. do 31.12.2019. godine

11. Pomoćna tabela za obračun odsustava NPF-a koji su radili u jednoj instituciji u periodu ocjenjivanja, kao i Pomoćna tabela za obračun odsustava NPF-a koji su radili u dvije institucije
12. Pomoćna tabela za obračun norme prema članu 9. Pravilnika o orijentacionim mjerilima
13. Rješenja o uvećanju ostvarene godišnje norme za 2019. godinu za sljedeće sudije:
Mario Anić, Adnan Baručija, Ranka Baškarad, Emira Džerahović, Nusret Halilović, Albisa Kapić, Ramo Ljevaković, Nedeljka Mađar-Ramljak, Nina Makivić, Indira Pašić, Ljilja Subašić i Srećko Kokor.



Predsjednica suda
Snježana Čolaković

Dostavljeno:

- 1x Visokom sudskom i tužilačkom vijeću BiH uz priloge od 1-13
- 1x Vrhovnom sudu FBiH-uz priloge pod od 1-12
- 1x Federalnom ministarstvu pravde- uz priloge pod brojem 1 i 2
- 1x Ministarstvu za pravosuđe i upravu
Zeničko-dobojskog kantona- uz priloge pod brojem 1 i 2
- 1x a/a